

Yùwanì andí wemberè tí bhàrɔwà Yàrí bhàrɔwà ò ì nòtù ádròdrò dhu tí dhu

Yàrí ní wemberè tó bhàrɔwà yà Yèsù bhà uvitatále Yùwanì núundí ìbhɔ bhàrɔwà nzínzì ǒ. Kúndí abádhí mbèmbè àrùgyètdí kumì ato nùdà Yèsù ka kùgù dhu-dzidǒ rórò. Kándí yà ɔvòna arí'ì dòná Yèsù Krístò bhà Ídzi Màkùrù mà átò. Ndirò ka kirè nga kà randí ndi Upfota tó bhùkù.

Yà wemberè tó bhàrɔwà nófò ndì Kàgàwà bhà Ɔte ùnɔ ka kí indrù tò dhu nà. Yùwanì náandí ka Àziyà-Ngba tó pbìrì, yà Tùrùkiyà tí ka karí àtina kòmbí ǒ pbàkrístò tò. I pbàkrístò nùrì nzá ì nzínziya ǒ ndì màkùrù àlǔ dòya tí dhu dǒ. Ní atdídhena ale núuvò fíyò kànìsà ò rò 'òwù. Ngǔkpà ale náadù òngò títò tó màlímó tí, 'àmbe pbàkrístò àbhɔ dǒ tsiya ràva ì nzínziya ǒ. I màlímó nòowúnà 'ùvo rǒ ìnzǐ 'à'ù Yèsù Krístò angò indrù tí dhu. Ndirò, abádhí nòowúnà 'ùvo rǒ ìnzǐ 'òzù ka Kàgàwà t'Ídhùnà tí (2.22; 4.2-3; 5.10). Abádhí náagò nzérenгатále tí ì í'ì dhu (1.8; 3.7-10), ìnzǐ 'àdù àzè nítè fíyò nzínziya ǒ (2.9-11; 3.14-15; 4.20-21).

Yùwanì azè ndòvò ìbhɔ dhu pbìndà bhàrɔwà ò: kǎzè ndàbhɔ pbàkrístò mà nzínzì ǒ rí'ì Kàgàwà Àba mànà irita ràbà ɔbì. Ndirò kǎzè pbàkrístò nzínzì ǒ rí'ì tsí ràbà ka átò. Kǎzè átò dhu ní, ndàbhɔ sedzà pbàkrístò tò ròkò yà Yèsù

Krístò ndítírò nyú nala, 'àdù kà rǎnɔna dhu nyú nírì ale rǔdhèna fǐyò dhu ìfǔ ì í ró tí.

Bhàruwà-nyìtì ka kóhù tí dhu

- Bhàruwà-dòkpa (1.4).
- Awáwù mà ínò mànà (1.5–2.29).
- Kàgàwà bhà inzo mà pfòmvo Sitanì bhà-tsí mànà nzínzì-ǒnga nùtu dhu (3.1-24).
- Obhóná pbànábí mà tìtò tó pbànábí mànà (4.1-6).
- Ìndrǔ àkǎ 'ozè ì òzè tí nzínziya ǒ, Kàgàwà ózè ì atdíđǒ nídhunǐ (4.7-21).
- Mùlèmà tó a'uta (5.1-21).

Ípìrǒnga tó Ɔte

(Yùw 1.1-14; 1Yù 5.11-13)

¹ Ma mí yà dhu nándǐ fǔkù, Ípìrǒnga tó Ɔte-okú dò rò. Ndi Ɔte ní'ì inè kóró dhu-tsí rǐ 'òpè rò. Ndi Ɔte mà miri ngǔkpà ɔdhídu uvitatále mànà, màdù àlanà nyìkpóka nyú nǐ. Ndirò mà mandà ka, màdù ngbóna ùlu ɔtsúka nyú nǐ. ² Obhó tí, ndi Ípìrǒnga náavì ndi ìndrǔ tò, màdù àlanà. Ní ndi dhu-okú dò rò, mà ní ndi dhu tó ngàmbi, ndirò mà mí dhòdhódhóna tó Ípìrǒnga, yà Àba Kàgàwà-tí'ò í'ì òvo fǔkù. Ndi Ípìrǒnga ní ndi yà ndi nitè fǔkà. ³ Ní wò mà mala, màdù ìrìnà dhu òvo mà mí átò fǔkù, ndínǐ àlě kungbò tí àlě atdíkpá nyǐ mànà. Wò ndi àlě tó ungbòta rǐ àlě àbhǔ àlě rǐ'ì atdíkpá Àba Kàgàwà mà Idhùnà Yèsù Krístò mànà. ⁴ Ní, mà mí wò dhu àndǐ fǔkù ndínǐ àlě tó dhèdhe náaká tí bhúnà ǒ.

Kàgàwà ní Awáwù dhu

(Zàb 32.1-5; Mbà 28.13; Èfè 5.8-14; Tit 2.14)

⁵ Kànǐ yà Yēsù Krístò-tsǔ mǎ miri dhu. Ndi dhu ní ndi yà mǎ móvona fǔkù. Kǎti: «Kàgàwà ní awáwù. Ní ínò arí'ì mbǎ akèkpá mǎtí kà-nyutsi.» ⁶ Àlě kapé àtina iwà àlě rùngbò àlě Kàgàwà mànà, àlě ràdù ì'ì inè ínò ǒ àlě kùbhi ró, ní àlě ní tìtòtále, ndirò àlě kónzina dhu ní nzì obhóngà. ⁷ Pbétù, àlě kapé àmbe ùbhi dǒ awáwù ǒ, àdhàdhì Kàgàwà narí awáwù ǒ arádi ale dhu bhèyi, ní àlě kùngbò wà àlě àlě nzínzi ǒ. Ndirò ndi Kàgàwà t'Ídhùnà, Yēsù-azù nú'ò wà àlě kóró àlě tó nzérenга ǒ rò, àlě rìlǎ Kàgàwà-nyìkpó ǒ.

⁸ Àlě kapé àtina ìmbǎ àlě ràrǐ'ì nzérenга nà, ní àlě kùtrǎ wà àlě àlětírò, ndirò obhóngà rǐ'ì mbǎ àlě-nyutsi. ⁹ Àlě kapé àlě tó nzérenга òvò kpangba Kàgàwà-ònzì, ní kà ràdù àlě tó nzérenга núbà, ndàdù àlě ù'ò àlě rìlǎ nyìkpóna ǒ. Obhó tí, àbadhi ní yà ndi ndùnò dhu nífǔ arí ale, ndirò ka ní Obhónángatále. ¹⁰ Àlě kapé àtina inzà àlě rònzi nzérenга, ní àlě kòzù wà Kàgàwà tìtò-ba tí, ndirò kàbhà òte rǐ'ì ìmbǎ àlě-afí ò.

2

Yēsù ní ndi àlě dǒ arí ndùgye àvùkǎ dhu

(Yùw 13.34-35; 14.21-24; 15.12-14)

¹ Pbànǐnzó, ma màndí yà dhu fǔkù ìnzì nyǐ nyonzi tí nzérenга. Pbétù, atdí ale mà náapé nzérenга ònzì, ní àlě kǐ'ì inè àlě dǒ rí ndùgye àvùkǎ nà, Àba Kàgàwà-ti'ò. Ndi ale ní Yēsù Krístò, Obhónángatále. ² Ndirò, àbadhi abhù ndi

ndìtírò, ndòvè perè tí, ndínì Kàgàwà ɔ̀bà tí àlě tó nzérennga. Kávè nzá àlě tó nzérennga-okú dò rò tí, pbétù kávè yà adzi ǒ kóró ale tó nzérennga-okú dò rò átò.

³ Àlě kapé Kàgàwà bhà Ʋyátá nífù, ní àlě kùni wà Kàgàwà. ⁴ Atdí ale náapé àtina: «Ʋwà ma múni Kàgàwà», pbétù ìnzì ndàdù kàbhà Ʋyátá nífù, ní ndi ale ní tìtò-ba. Ndirò obhónɡa rǐ'ì mbǎ kà-nyutsi. ⁵ Pbétù, Kàgàwà bhà Ʋte nódɔ arí mběyi afina ò ale ní ndi Kàgàwà nózè àkǎkǎ dhu bhěyi ale. Wòrí ní ndi àlě kádù Kàgàwà mànà àlě kùngbò àlě dhu ùni róná dhu. ⁶ Ndi ale náapé àtina iwà ì rúngbò ì Kàgàwà nà, ní ndi ale àkǎ ndùbhi yà Yèsù ubhì dhu bhěyi.

Ʋyátá ɔ̀wútá

(Màt 6.24; Ròm 12.2; Yàk 4.4)

⁷ Ʋdhídù, yà atdídǒ ma mózè nyǐ rò, yà ma mándina fùkù ɔ̀yátá ní nzì ɔ̀yátá-ɔ̀wútá. Pbétù, ma mándina fùkù dhu ní ɔ̀yátá-ayí. Ka ní yà dóna-kpa ò rò nyǐ nyabà, ndirò yà iwà nyǐ nyiri Kàgàwà bhà ɔ̀te. ⁸ Ngǎtsi otu ǒ, yà ma mándina ɔ̀yátá rǐ'ì àdhàdhì ɔ̀yátá-ɔ̀wútá bhěyi. Ndi ɔ̀yátá tó obhónɡa návi ndi Yèsù Krístò-nyutsi, ndirò nyukutsi mǎtí átò. Obhó tí, kòmbí ìnò rǐ'ì ùda ndi ndúda ró, awáwù nyú ràdù ndòpè ndàwù nga. ⁹ Atdí ale náapé ndàti awáwù ǒ ndi ndí'ì dhu tí, pbétù ndàdù ì'ì ìnè ɔ̀dhìnà ndi ndóndrò ró, ní ndi ale rǐ'ì ìnè ìnò ǒ kòmbí mǎtí. ¹⁰ Ʋdhìnà nòzè ale rǐ'ì awáwù ǒ, ndirò ìndrù àbhù rí ròtsù nzérennga ò dhu rǐ'ì ìmbǎ kà-nyutsi. ¹¹ Pbétù, ɔ̀dhìnà nòndrò ale rǐ'ì ìnò ǒ. Kǎrúbhi ìnò ǒ, ndirò

kùni nzá àdhà màtí ndì ndàrà dhu, ìnò ìti kà-nyĩnga dhu-okú dò rò. ¹² Pbhànǎnzó, ma mí dhu àndí fùkù, Kàgàwà úbà wà fùkú nzéřnga Yēsù-ovò-okú dò rò nídhuní. ¹³ Abádǔ, ma mí dhu àndí fùkù, iwà nyĩ nyúni yà ìnè í'ì dóna-kpa ò rò kóró dhu-tsí rǐ 'òpè rò ale dhu-okú dò rò. Zàdhǎ, ma mí dhu àndí fùkù, iwà nyĩ nyónzì wò Nzéře-ale-akpà lè mà nídhuní.

¹⁴ Pbhànǎnzó, ma mí dhu àndí fùkù, iwà nyĩ nyúni Àba Kàgàwà dhu-okú dò rò. Abádǔ, ma mí dhu àndí fùkù, iwà nyĩ nyúni yà ìnè í'ì dóna-kpa ò rò kóró dhu rǐ 'òpè rò ale dhu-okú dò rò. Zàdhǎ, ma mí dhu àndí fùkù, obi nà nyĩ nyí'ì dhu-okú dò rò: Kàgàwà bhà ɔte rǐ'ì afíkù ò, nyǎdù Nzéře-ale-akpà lè mà nónzì. ¹⁵ Nírò, àpé nyòzè yà adzi, ndirò àpé nyòzè kà ǒ rǐ'ì dhu-tsí. Ndi ale náapé yà adzi òzè, ní ndi ale nózè nzá Àba Kàgàwà. ¹⁶ Obhó tí, yà adzi ǒ rǐ'ì kóró dhu-tsí núvò nzá Àba Kàgàwà bhà rò, pbétù i dhu-tsí núvò yà adzi ǒ rò. I dhu-tsí ní, ale-ngbò òzè dhu-atdyú òho ka kí atdíǒ dhu, àlǎ ka kàla dhu-atdyú òho ka kí kabà dhu, ndirò ongyéngá-okú dò rò ka kí ale òyò dhu. ¹⁷ Yà adzi mà, òná kóró dhu-tsí yà ìndrǔ arí atdyúya òho mà nà rǔda ùda. Pbhétù, Kàgàwà ózè dhu ònzi arí ale náaradí dhòdhòdhónganà.

Nyòdo nyĩ Krístò bhà òmvǔ rǒ rò

(Yùw 1.12-13; 16.13-15; Róm 8.14-19; 1Yù 4.1-6; 5.18)

¹⁸ Pbhànǎnzó, yà adzi ǒ dhu-tsù rǐ ndòdì òná idho níndù wà ndì. Nyĩ nyiri wà dhu, Krístò bhà òmvǔ rǎrǐ'ì ìrà ndì ndírà ró. Ní kòñ Krístò bhà

òmvũ núnà wà ì abhɔ nyú kòmbí. Ní àlě kùni wà dhu, kàrí idhɔ rárĩ yà adzi ǒ dhu-tsù nyú rĩ ndòdì òyá idhɔ. ¹⁹ Kǒkò ì ale nùvò àlě nzínzi ǒ rò tí, pbétù abádhí ní'ì nzĩ àlě t'ódhína nyú. Obhó tí, abádhí ní'iyana gukyè àlě t'ódhína nyú tí, ní abádhí ókòyana atdíkpá àlě mànà. Abádhí úbhà àlě, ndínĩ dhu nitè tí k pangba ìnzĩ rárĩ ì àlě nzínzi ǒ ale.

²⁰ Pbétù nyĩ, nyĩ nyábà wà Krístò ábhũ fũkù Kàgàwà bhà ǼlǼ-Alafí. Ní nyĩ kóró, nyĩ nyùnì wà obhóngà. ²¹ Ma màndĩ nzá dhu fũkù ìnzá nyĩ nyùnì obhóngà dhu-okú dò rò. Pbétù ma màndĩ dhu fũkù, iwà nyĩ nyùnì obhóngà dhu-okú dò rò. Ndirò nyĩ nyùnì wà dhu, ìnzĩ títò tó atdí dhu mà ráràdù àhũ obhóngà ò rò.

²² Títò-ba ní àdhi? Títò-ba ní yà Yèsù àgò arí ndàtì ìnzĩ ní Krístò tí ale. Kòní ndi ale ní ndi Krístò bhà òmvũ. Kǎrí Àba Kàgàwà mà, Idhùnà Yèsù mànà nágò. ²³ Obhó tí, Kàgàwà t'Ídhùnà nása rí ìngbatí Ǽlì ndì ale mà, nása wà Àba Kàgàwà átò. Ndirò, ndi Kàgàwà t'Ídhùnà nà'ù ale, ná'ù wà Àba Kàgàwà átò.

²⁴ Nírò, yà dònà-kpa ò rò nyĩ nyiri ote náká ndàdi afíkũ ò. Wò ndi dònà-kpa ò rò nyĩ nyiri ote náapé àdi afíkũ ò, ní nyĩ átò nyĩ nyóko òko Àba Kàgàwà mà, Idhùnà Yèsù mànà ò. ²⁵ Ndirò, kànĩ àlě tò Krístò akò làkà: ndi làkà ní dhòdhòdhóngà tó ìpìrǒngà.

²⁶ Ma màndĩ wò dhu fũkù kǒkò nyĩ nózè 'ùtrǎ ale-okú dò rò. ²⁷ Pbétù nyĩ, yà Krístò irá nyĩ nĩ ǼlǼ-Alafí rĩ'ì ìnè ùkù. Ní ndi dhu-okú dò rò, nyĩ

nyí'ì mbă ùdhě tí ka kí dhu ùdhě fùkù dhu-atdyú nà. Obhó tí, Kàgàwà bhà Ìlǎ-Alafí arí kóró dhu ùdhě fùkù. Ní wò kărúdhěna fùkù dhu ní obhó dhu, ìnzì ní tìtò. Ní, dhu àkă nyòkò Krístò mànà nyí nyúngbò nyí rórò, àdhàdhì Ìlǎ-Alafí núdhe ka fùkù dhu bhěyi.

²⁸ Ní kòmbí pbànǎnzó, dhu àkă nyòkò Krístò mànà nyí nyúngbò nyí rórò, ndínǎ Kà rǐtsi ingo nínaganí, àě kí'iya tí mànzì nà, ndirò ìnzì àě-nyí adàya tí ìwu Kǒnzì-tsu ǒ. ²⁹ Nyí nyapé dhu ùnǎ Krístò rǎrǎ obhónángatále, ní nyí nyàkă nyǎni dhu ní, obhónánnga ònzi arí ìngbatí ìlǎ ndì ale mà ní rǎrǎ Kàgàwà bhà ingba.

3

Kàgàwà bhà inzo

¹ Ìgyò! Nyàndà pé ìngbà dhu bvùtí àzè nǎ matí Àba Kàgàwà náazè àě dhu. Kàrǎ àě ànzi pbìndà inzo tí. Ní àě ní obhó tí, kà bhà inzo. Wò dhu-okú dò rò, yàrí adzi núni nzá àě, ìnzá kǎni Kàgàwà nídhunǎ. ² Ǫdhídǔ, yà atdídǔ ma mózè nyí rò, kòmbí àě ní Kàgàwà bhà inzo. Ndirò olunǎ rò àě kí'iya tí dhu nápè nzá ndàvǐ k pangba. Pbétù, àě kǎni dhu ní, Krístò rǐtsi ingo nínaganí, àě kǎliya àě kà bhěyi, àě kalaya ka yà ka nyú arí'ì dhu bhěyi nídhunǎ. ³ Ní, Krístò ndì ndalaya dhu nà'ù ale, nákă ndù'ò ndì ndìtírò ndìlǎ Kàgàwà-nyìkpó ǒ, àdhàdhì Krístò ìlǎ kà-nyìkpó ǒ dhu bhěyi.

⁴ Ìndrǔ náapé nzérenga ònzi, ní ndì ale nífu nzá Kàgàwà bhà Ʋyátá. Obhó tí, nzérenga ní ìnzì

ka kí Kàgàwà bhà Ƴyátá nífù dhu. ⁵ Ní nyí nyèni wà dhu, Yèsù Krístò rira ndínì ndì ndu'ò tí ìndrù tó nzérennga. Ndirò, kà-nyuṣi nzérennga rí'ì mbà akekpa mātí. ⁶ Yèsù ò rádi ìngbàtí íli ndì ale mà, náarí nǝ nzérennga ònzi. Pbétù ìngbàtí íli ndì ale mà náapé àmbé nzérennga ònzì dǝ, ní ndì dhu ìtè dhu ní, ndì ale rála nzá Yèsù, ndirò kà rúni nzá ka.

⁷ Pbanǝnzó, àpé nyàbhù atdí ale mà rùtrǝ nyí. Obhónánnga ònzi arí ale ní ndì nyú tírò obhónángatále, àdhàdhì Yèsù Krístò ní obhónángatále dhu bhèyi. ⁸ Nzérennga ònzi arí ale ní Pǝmvo bhà ale, ndì Pǝmvo náapè ndònzì nzérennga dóna-kpa ò rò kóró dhu-tsí rí 'òpè òná kàsùmì ǝ dhu-okú dò rò. Ní Kàgàwà t'Ídhùnà níira ndínì ndì ndugolo tí pǝmvo bhà kasù.

⁹ Ìngbàtí íli ndì ale mà Kàgàwà bhà ingba tí rí'ì, ní rí nǝ nzérennga ònzi, Kàgàwà bhà ote rí'ì kà-afí ò itse bhèyi nídhunì. Ndirò, ndì ale rí nǝ àdù àmbé nzérennga ònzì dǝ, Kàgàwà bhà ingba tí ndì ndí'ì nídhunì. ¹⁰ Yà dhu bhèyi ní ndì ka kádù Kàgàwà bhà inzo mà Pǝmvo bhà inzo mà nà núnì: ìngbàtí íli ndì ale mà, ìnzì arí obhónánnga ònzi, ndirò ngàtsi nǝ ìnzá oḍhìnà nózè, ní nǝ Kàgàwà bhà ingba.

*Dhu àkǝ ìndrù ròzè ì nzínzìya ǝ dhu
(Yùw 15.12-21; 1Yù 4.7-8,16-21)*

¹¹ Obhó tí, kòní yà dóna-kpa ò rò nyí nyírì ote: dhu àkǝ àlè ròzè àlè àlè nzínzì ǝ. ¹² Dhu àkǝ nzá àlè rónzì dhu Kàyinà bhèyi, ka ní'ì Nzérennga-akpa bhà ale, ndirò kǝhò adòná. Ádhu kǝhò ka okúna dò rò? Kǝhò ka okúna dò rò dhu ní,

kàbhà kasu ní'ì nzére, pbétù kà t'ádònà bhà tsí rādù ì'ì mběyi.

¹³ Adódù, àpé nyàbhu idho rùko nyí yà adzi ǒ ale rĩ nyǒndrò rò. ¹⁴ Àě nyú àě kùni wà dhu iwà àě rùvò ɔve ò rò, àě rùdà ípirǒnga ò, àě t'ádóna àě kóze nídhuní. Obhó tí, inzà ɔdhína nóze ale nádi àdi ɔve ǒ. ¹⁵ Adònà nóndrò ìngbàtí íli ndi ale mà ní abvo òkye arí ale. Ndirò nyí nyùni wà dhu, abvo òkye arí ìngbàtí íli ndi ale mà, ní rārì'ì mbǎ dhòdhóhóngà tó ípirǒnga nà nyùnatsi. ¹⁶ Yàrí ní ndi àě kùni àze róná otu: Yèsù Krístò adzi pbìndà ípirǒnga àě-okú dò rò. Ní àě mà átò, àě kàkǎ àě rādzi àě tó ípirǒnga àě t'ádóna-okú dò rò. ¹⁷ Ìngbàtí íli ndi ale mà náapé ì'ì yà adzi ǒ ongyéngá nà, ndàdù adònà nála m̀hètù ǒ rí'ì ró, pbétù ndàdù ɔtsúna ùtsi ìnzí ndònzì ndi ɔdhìnà dzùnà, ní ndi ale rādù àtìna ìngbà dhu bhěyi, iwà ndi róze Kàgàwà? ¹⁸ P̀bànínzó, àpé k̀i'ì àze nà àě-òtě ǒ tí, ndirò àě-idà dǒ tí. P̀bétù, àě kàkǎ àě rìtè àze àě kàsù ǒ, ndirò obhóngà dǒ.

Kàgàwà-nyùtsi ka kóko dhu nùni ka kádù róná dhu

¹⁹ Wò dhu-otù ǒ ní ndi, àě kádù obhóngatále tí àě kí'ì dhu nùni, ndirò àě-afí rādù ndòpè Kàgàwà-ònzí. ²⁰ Obhó tí, àě-afí apé àě òbhu, ní àě kùni wà dhu Kàgàwà bhà Ádrùngbǎnga ròsè wà àě-afí tó ádrùngbǎnga dònǎ, ndirò kà r̀ni wà kóró dhu. ²¹ ɔdhídù, yà atdídǒ ma móze nyí rò, ìnzí àě-afí náapé àě òbhu, ní àě kí mbǎ àdù ì'ì ɔdo nà Kàgàwà-ònzí. ²² Ndirò, ìngbàtí íli ndi dhu mà kà-fó àě kònzì, nába àě kádù àbà, kàbhà uyátá àě kífù, àě rādù kà-nyìkpó nòfò

dhu ònzì dhu-okú dò rò. ²³ Ndirò, kànĭ kàbhà ɥyátá: Dhu àkă àě rà'ù kà t'Ídhùnà Yěsù Krístò-òvò, àě ràdù àě òzè àě nzínzi ǒ, àdhàdhì ndi Krístò núnyá ka àě tò dhu bhěyi. ²⁴ Kàgàwà bhà Ʋyátá nífũ rí ale ní rǐ'ì Kàgàwà-nyutsì, ndirò Kàgàwà rǐ'ì ndi ale-nyutsì átò. Ndirò, kànĭ àě kádù Kàgàwà rǐ'ì àě-nyutsì dhu ùni róná dhu: kĭbho pbìndà Ʋlĭlă-Alafí àě tò.

4

*Kàgàwà bhà Alafí mà Krístò bhà òmvũ bhà ale-afí màná
núni ka kádù róná dhu*

(Tòr 13.1-4; Yùw 2.18-25; 2Yù 7-11)

¹ Ɔdhídù, yà atdíđǒ ma mózè nyĭ rò, nyĭ nyàkă nzá nyă'ù Kàgàwà bhà Alafí rǐ'ì nyunatsì dhu tí rí ndàti ìngbàtí Ʋlĭ ndì ale mà rǎnɔna dhu. Pbéù, dhu àkă pé nyǎndà i ale rǎnɔna dhu-ònga mběyi, ndinĭ nyĭ nyuni tí ìnè Kàgàwà bhà Alafí rǐ'ì abádhí-nyutsì dhu. Obhó tí, tìtò tó pbànábí núnyà wà ì ibí nyú yà adzi ǒ. ² Ní, kànĭ nyĭ nyádù Kàgàwà bhà Ʋlĭlă-Alafí núni róná dhu: Ìngbàtí Ʋlĭ ndì ale yà kpangba rí dhu òvò, ndàti Yěsù Krístò rírà yà adzi ǒ ale-ngbò tó ófò ǒ, ní Kàgàwà bhà Alafí rǐ nyunatsì ale. ³ Ìngbàtí Ʋlĭ ndì ale mà yà inzá Yěsù núni, rǐ'ì mbă Kàgàwà bhà Alafí nà nyunatsì, pbéù kà-nyutsì rǐ'ì ní Krístò bhà òmvũ bhà ale-afí. Nyĭ nyírì dhu Krístò bhà òmvũ ràrĭ ìrà. Ní kòñĭ, kòmbí kìrà wà àhɥ yà adzi đǒ.

⁴ Pbanĭnzó, nyĭ ní Kàgàwà bhà ale, ndirò nyĭ nyónzì wà tìtò tó pbànábí lè mà. Obhó tí, nyukatsì rǐ'ì Kàgàwà bhà Alafí bhà ádràngbǎnga

tó obi nósè wà yà adzi ǒ rí'ì Krístò bhà òmvũ bhà ádrùngbǎnga tó obi dònǎ. ⁵ Tìtò tó pbànábí ní yà adzi ǒ ale. Abádhí náaróte yà adzi ǒ ale bhěyi, yà adzi ǒ ale ràdù tsùyá dhu ìrì. ⁶ Pbétù àlě nyú, àlě ní Kàgàwà bhà ale. Ní, iwà Kàgàwà núnì ale rǐ àlě-tsǔ dhu ìrì ìrì. Ndirò, ìnzǐ ní Kàgàwà bhà ale rǐ nzǐ àlě-tsǔ dhu ìrì. Wò dhu rǒ ní ndì, àlě kádù obhóngà tó Alafí mà, tìtò tó ale-afí mà núnì nǐ.

*Kàgàwà itè pbìndà àzè ìndrũ tò tí dhu
(Yùw 3.16-17; Ròm 5.5-8; 1Yù 3.11-24)*

⁷ Ǫdhídũ, yà atdíǒ ma mózè nyǐ rò, kòzè àlě àlě nzínzì ǒ, àzè ní Kàgàwà bhà dhu nǐdhunǐ. Ndirò, ìngbátí ìlì ndì ale mà, yà ìndrũ nózè ní Kàgàwà bhà ingba, ndirò kùnì wà Kàgàwà. ⁸ Ìnzá ìndrũ nózè ale núnì nzá Kàgàwà, Kàgàwà ní àzètále nǐdhunǐ. ⁹ Kànǐ Kàgàwà níitè pbìndà àzè àlě tò tí dhu: kǐvi atdí tí arí'ì Idhùnà rìrà yà adzi ǒ, ndínǐ àlě kabá tí ípìrǒnga otùna ǒ. ¹⁰ Yàrí ní ndì àzè tí ka kátina dhu: ìnzǐ ní àlě'ì ndì àlě kazè Kàgàwà wemberè tí, pbétù, ka ní ndì àlě nazè. Kǐvi Idhùnà rìrà òvè perè tí àlě-okú dò rò, ndínǐ ndì ndubà tí àlě tó nzérénga otùna ǒ.

¹¹ Ǫdhídũ yà atdíǒ ma mózè nyǐ rò, dhu apé ì'ì wò dhu bhěyi Kàgàwà náazè àlě dhu tí, ní dhu àkǎ àlě ròzè àlě átò àlě nzínzì ǒ. ¹² Atdí ale mà nàpè nzá Kàgàwà-nyìkpa àlǎ. Pbétù, àlě kapé àlě òzè àlě nzínzì ǒ, ní Kàgàwà rǐ'ì ìnè àlě-nyutsì, ndirò àlě Kòzè nǐ àzè návi wà ndì àkǎká dhu bhěyi àlě-nyutsì.

¹³ Kànǐ àlě kádù Kàgàwà-nyutsì àlě kòkò dhu, ndirò Kàgàwà rǐ'ì àlě-nyutsì dhu núnì ròná dhu:

Kìbhò p̀b̀indà Hl̀l̀l̀-Àlafí àl̀l̀ t̀ò. ¹⁴ Ndirò àl̀l̀ nyú àl̀l̀ kála wà dhu, àl̀l̀ ràdù ì'ì f̀indá ngàm̀b̀ì tí: Àba Kàgàwà ìvì Idhùnà r̀r̀à yà adzi ǒ ale t̀ó Ǫg̀̀ba tí. ¹⁵ Ndi ale apé Yèsù ùnǎ Kàgàwà t'Ídhùnà tí, ní Kàgàwà r̀í'ì inè ndi ale-nyutsi, ndirò ndi ale r̀í'ì inè Kàgàwà-nyutsi. ¹⁶ Ndirò, àl̀l̀ nyú àl̀l̀ k̀̀ni wà, ndirò àl̀l̀ kà'ù wà Kàgàwà ózè àl̀l̀ dhu. Kàgàwà ní àzètále. Àzè nà arí'ì ale r̀í'ì Kàgàwà-nyutsi, ndirò Kàgàwà r̀í'ì ndi ale-nyutsi. ¹⁷ Kàgàwà àl̀l̀ kóze atdíǒ dhu ìtè rí dhu ní, Kàgàwà r̀í'ì ndrù-ànyǎ ìtdì ǹnganí, àl̀l̀ k̀'ìya ìmbǎ ɔɔ nà, àl̀l̀ t̀ó ìpìr̀ɔ̀nga yà adzi ǒ nófò ndi Yèsù ì'ì nà yà adzi dǒ ìpìr̀ɔ̀nga nà nídhunǎ. ¹⁸ Àzè nà ale ɔ ɔɔ arí'ì ìmbǎ. Ndirò, àkǎkǎ àzè náarí ɔɔ ìtò ale-afí ɔ r̀ò. Obhó tí, anya ɔɔ rí dóná ka kɔtdí tí ale, náarí ɔɔ ònzi. Ndirò, ɔɔ ònzi rí ale-afí ɔ àzè nǎpè nzá àkǎ bhùnà ǒ. ¹⁹ Ní, àl̀l̀ nyú àl̀l̀ k̀'ì àzè nà Kàgàwà náazè àl̀l̀'ì wemberè tí dhu-okú d̀ò r̀ò. ²⁰ Atdí ale mà náapé àtina: «Ma mózè Kàgàwà», ndàdù adòna nòndrò, ní ndi ale ní t̀t̀ò-ba. Obhó tí, ìnzá yà nyìkpóna nyú ǒ ndi ndálǎna adòna nózè ale r̀í nzi àdù yà ìnzá ndi ndálǎna Kàgàwà nózè. ²¹ Ndirò, yàrí ní ndi Krístò ɔbhà àl̀l̀ t̀ò ɔyátá: «Kàgàwà nózè ale nǎkǎ wà ndòzè adòna átò.»

5

A'uta ní ndi yà adzi lè mà ònzi ka kádù òná otu (Yùw 1.29-34; 3.36; 20.31; 2Yù 5-6)

¹ Ìngbàtí ìli ndi ale mà, Yèsù nà'ù Krístò tí, ní Kàgàwà bhà ingba. Ndirò, ìngbàtí ìli ndi ale mà, inzo t'ábanà nózè, nózè wà kà bhà inzo átò.

² Kànǐ àlě kádù Kàgàwà bhà inzo àlě kózè dhu núnì róná dhu. I dhu ní: Kàgàwà òzè àlě kí dhu mà, Kàbhà Ʋyátá nífũ àlě kí dhu mà. ³ Obhó tí, kànǐ Kàgàwà ka kòzè dhu ìtè rí dhu. Ndi dhu ní: Kàbhà Ʋyátá ìfũ ka kí dhu. Ndirò, i Kàbhà Ʋyátá rǐì mbǎ ìtũ, ⁴ Kàgàwà bhà inzo kóró nónzì wà yà adzi lèmà dhu-okú dò rò. Ndirò, kànǐ àlě kádù yà adzi lèmà nónzì òná otu. Ndi otu ní àlě tó a'uta. ⁵ Ádhi pbá ale yà adzi lèmà nónzì rádù? Ndi ale ní Yèsù ná'ù Kàgàwà t'Ídhùnà tí ale kèlě.

Yèsù Krístò ìtè rí Kàgàwà t'Ídhùnà tí dhu

⁶ Yèsù Krístò ní ndi idha mà azu màná nà ira ale. Kíra nzá idha-ví kèlě nà, pbétù kíra idha nà azu màná. Kàgàwà bhà Ʋlǎ-Ʋlafí ní ndi dhu tó ngàm̀bì, ndi Ʋlǎ-Ʋlafí ní obhóngà dhu-okú dò rò. ⁷ Yèsù ìtè rí Kàgàwà t'Ídhùnà tí dhu rǐì ìbhũ. I dhu ní: ⁸ Kàgàwà bhà Ʋlǎ-Ʋlafí mà, idha mà, azu màná. Ní, kóró i dhu rǐ atdí dhu kèlě núnò.

⁹ Ìndrũ òkò fìndá ngàm̀bì tí atdí dhu ná'ù àlě karí à'ù tí. Pbétù, Kàgàwà rǎdi atdí dhu tó ngàm̀bì tí dhu rǐì ɔ̀bì nà atdí dũ. Obhó tí, kànǐ Kàgàwà núnò dhu. Ndi dhu ní Idhùnà-okú dò rò kũnò dhu. ¹⁰ Ndi Kàgàwà t'Ídhùnà nà'ù ale, núnì wà Kàgàwà ɔ̀nò dhu obhó dhu tí afina ò. Pbétù, inzá ka ná'ù ale nábhũ wà Kàgàwà róngò tìtò-ba tí, inzá kǎ'ù Kàgàwà ɔ̀nò Idhùnà-okú dò rò dhu nídhunǐ. ¹¹ Ndirò, yàrí ní ndi Kàgàwà rǐì fìndá ngàm̀bì tí dhu: kíbhò dhòdhòdhóngà tó ípìrǒngà àlě tò, ndirò àlě kábà ndi ípìrǒngà kà t'Ídhùnà-otù ǒ. ¹² Kàgàwà t'Ídhùnà nà rǐì afina

ò ale, nábà wà ípìrǒnga. Ndirò, ìmbă rí'ì Kà nà afína ò ale, ní rí'ì mbă ípìrǒnga nà.

Dhòdhóhóngà tó ípìrǒnga
(Mrk 11.24; Yùw 15.7; 1Yù 3.6-9)

¹³ Nyǎ, yà Kàgàwà t'Ídhùnà nyǎ nyá'ù rò, ma màndí yàrí bhàrɔwà fǔkù ndíní nyǎ nyuni tí dhu inè nyǎ rǎrǎ'ì dhòdhóhóngà tó ípìrǒnga nà.

¹⁴ Ndirò, kǎní Kàgàwà-nyutsì àlě kí'ì nà a'uta: àlě kapé dhu ònzi kà-fó Àbadhi-afí nyú nózè dhu bhěyi, ní kà rǎdù àlě-tsǔ dhu níri ìri. ¹⁵ Àlě kùni dhu kà rǎrǎ àlě-tsǔ dhu níri dhu-okú dò rò, àlě kùni wà dhu átò, kà-fó àlě kònzì dhu rò, àlě ràbà wà ndi dhu.

¹⁶ Atdí ale náapé ɔdhìnà àlă nzérenge ònzi rí'ì ró, ndi nzérenge rǎdù ì'ì ìnzǐ rí ìndrǔ ùnda ɔve ò, ní ndi ale àkǎ ndítsò ndì ndi ɔdhìnà dǔ. Ní, Kàgàwà rǎdù ípìrǒnga nábhu wò ìnzǐ rí ìndrǔ ùnda ɔve ò nzérenge ònzi rí ale tò. Pbétù, ɔve ìbho rí nzérenge-tidò rǐ'ì inè, ní ma màti nzá ka rítsò ale ndi tinádɔ ònzi rí ale dǔ. ¹⁷ Nzére ka kónzina kóró dhu ní nzérenge. Pbétù, ìnzǐ rí ìndrǔ ùnda ɔve ò nzérenge rǐ'ì inè.

¹⁸ Àlě kùni wà dhu, Kàgàwà bhà inzo rarí nzǐ nzérenge ònzi. Pbétù, Kàgàwà t'Ídhùnà náarí ndi abádhí-ngbò òdɔ, ìnzǐ Nzére ale rǎdù ngbǔya ùpbala. ¹⁹ Àlě kùni wà dhu, àlě rǎrǎ Kàgàwà bhà ale, ndirò yà adzi ǒ kóró ngari ní rǐ'ì Nzére ale bhà ɔbi-tsinǎ. ²⁰ Pbétù, àlě kùni wà dhu, iwà Kàgàwà t'Ídhùnà rǐrà, ndàdù inga t'únita níbhò àlě tò, ndíní àlě kùni tí Kàgàwà nyú. Ní, àlě kùngbò wà àlě ndi Kàgàwà nyú nà kà t'Ídhùnà

Yěsù Krístò-otù ǒ. Ndi Yěsù ní Kàgàwà nyú,
ndirò Ka ní dhòdhóhóngà tó ípìrǒngà. ²¹ Nírò
pbàńnzó, nyòdò nyí mbéyi nyí-tírò sànamù rǒ
rò.

Ungbòta-Ɔwátá Tó Bhǔkù

Ndrǔna: Ungbòta-Ɔwátá Tó Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngit)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 22 Feb 2024 from source files dated 29 Jan 2022

abb6c630-aaf1-5647-8172-605215e8fe12